

Zapisnik o otvaranju ponuda je dana 27.12.2017. godine dostavljen putem maila ponuđačima koji su blagovremeno dostavili ponude.

Uvidom u cijene ponuda ponuđača, Komisija je ustanovila da je cijena ponude ponuđača REAW d.o.o. Sarajevo od 20.970,00 KM bez PDV-a, **neuobičajeno niža** u odnosu na cijene ostalih ponuda, te da ima elemenata da se ista provjeri u vezi sa članom 17. Uputstva za pripremu modela tenderske dokumentacije i ponuda, u smislu da ponuđač opravda cijenu u smislu elemenata cijene i kvalifikacije iste, a sve u **skladu sa članom 66.** Zakona o javnim nabavkama ("Službeni glasnik BiH" broj 39/14). Zato je ponuđaču REAW upućen zahtjev za pojašnjenje neprirodno niske cijene.

Pojašnjenje cijene ponude od REAW d.o.o.Sarajevo je dostavljeno u formi akta i zaprimljeno na protokol škole 3.1.2018. godine pod brojem 02-1179/18.

Komisija je, u skladu sa članom 63. stav (7) Zakona o javnim nabavkama, na zatvorenoj sjednici 4.1.2018. godine, izvršila provjeru kvalifikacija ponuđača i ocjenu ponuda u predmetnom postupku nabavke radova za zamjenu kotla u postojećoj kotlovnici, sačinila zapisnik i dala preporuku o izboru najpovoljnijeg ponuđača.

Zapisnikom je konstatovano da ponuda ponuđača ENERGOGAS d.o.o. Sarajevo, redni broj ponude 1., kod ugovornog organa protokolisana pod brojem: 02-1167/17 od 26.12.2017. godine, **nije prihvatljiva** za ugovorni organ u pogledu ponuđene cijene, jer sa cijenom od 38.764,00 KM bez PDV-a, znatno prelazi procjenjenu vrijednost nabavke.

Komisija je analizirala obrazloženje (pojašnjenje) ponuđene cijene ponude REAW d.o.o.Sarajevo, te uzimajući u obzir navedene argumente prihvatila obrazloženje i konstatovala da je ponuda navedenog ponuđača prihvatljiva za ugovorni organ.

Shodno tome, Komisija je u zapisniku o ocjeni ponuda sačinila rang listu **prihvatljivih** ponuda ponuđača:

Redni broj na rang listi	Naziv i sjedište ponuđača	Ukupna ponuđena cijena bez PDV-a
1.	REAW d.o.o. Sarajevo, Mala aleja 14, Ilidža	20.970,00KM
2.	ITG d.o.o. Sarajevo, Hifzi Bjelavca 3, Ilidža	32.190,00KM

Shodno navedenom, Komisija za javnu nabavku je prema utvrđenom kriteriju „**najniža cijena tehnički zadovoljavajuće ponude**“ preporučila direktorici škole da se u postupku javne nabavke radova za zamjenu kotla u postojećoj kotlovnici, donese odluka o izboru najpovoljnijeg ponuđača i dodijeli ugovor ponuđaču REAW d.o.o. Sarajevo, Mala aleja 14 Ilidža, čija ponuda je u skladu sa kriterijom najniža cijena tehnički zadovoljavajuće ponude, ocijenjena kao najpovoljnija sa ukupnom cijenom ponude od 20.970,00KM bez PDV-a.

U postupku ocjene provedenog postupka direktorica škole nije našla razloge nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Prihvatajući prijedlog preporuke Komisije, a u skladu sa gore navedenim, odlučeno je kao u dispozitivu ove Odluke.

*Pouka o pravnom lijeku:* Protiv ove Odluke svi ponuđači koji su učestvovali u postupku mogu uložiti prigovor u pismenom obliku Školi u roku od 5 dana od dana prijema ove Odluke. Prigovor odlaže zaključivanje ugovora.



Dostavljeno:

1. Ponuđačima
2. a/a